

Krach öm de Ste-inohligstö-et

Wie stell on e-insam dr Lengtörper Bosch vor foffzig bös sechzig Johr wor, je-ihnt ut demm folgende Verzäll hervor:

Owe am Familjehuhs, wor de Bosch suh stell on friedlich, dat de Ri-eh am helle Dagg en Rudele von 20-30 Stock üwer der Wegg liepen. Hütt mott mr Jlöck hann, wenn mr sonn schö-i Diehr mol te senn kritt. Hütt fahren schonn de Autos dorch dr Bosch, wo dorch dat Weid vergrämt wüht on sech vertrekkt. En minner Tied kohm aff-on-to-u e Holtfuhrwerk en dr Bosch, me-istens woren et de Arnolds- Jonges (*Heinrich und Wilhelm Arnolds, letzterer lebt noch 92 jährrig*). Och de Polverwagens, die wejen dr Explosionsgefahr nit üwer de Landstroot fahre dorfdn, komen üwer dr Kalkwech on fuhren op Saahn ahn. Et woren Wagens met nem ronge Wellblech-Daak, führe woren zwei Schelder ahnjebreht met nem blaue „P“.

Vom Familjehus ut wor de Wech no Lengtörp, wohenn wir eijendlech jehuhden (*heute gehört der Wald nach Duisburg*), verdahl arch wieht. No Jruhtebo-um wor et bluhs en halwe Stond, on suh hant wir uss Wenkelware fast immer en Jruhtebo-um enjekoppt. Dat wor nu nit suh e-infach, denn et wuht immer ne Vorrat von 8—14 Dag metjebreht. Üwer de Beschluss, we nu an dr Re-ih wor, no Jruhtebo-um te jonn, kohm et dökkes töschen uss Jonges to-u Krawall. Äwwer de Muhder sprook dann e Machtwoht, on dann moss mr pariere. Op ne juhde Dagg wor kenne Ste-inohlig (Petroleum) mieh em Huhs. Weil et domols noch kenn angere Belö-uchtung jow, könnt mr dat Zeuch schleiht misse. Dr Schäng on ech wuhden von dr Motter met dr Fönf-liter-Tö-et no Jruhtebo-um jeschekkt. Wenn de Ko-epmann die Tö-et gefüllt hahden, wog dat Denk immerhin tiehn Ponk, on wenn mr dat en Tied je-drahere hat, wuhden e-inem de Arme lahm. Wir makken doher folgende Plan: *De janze Wegg vom Jeschäft böss nom Familjehuhs wuhden en vier De-il opjedellt*. Jieder moss nu e Stock die Tö-et drahere. Tweimol jing dat juht. Wie ech nu minnem Bruhder de Tö-et überjewe wollt, seht he, ech möss noch böss do on do drahere.

Ech bliev dobe-i, dat ech minn Pensum affjedrahere haht, on lieht die Tö-et stonn on jing op Huhs ahn. Dr Schäng pakken dat Denk och nit ahn on kohm ohne Tö-et henger mech her. En dr Hoffnung, dat sech der Schäng üwer de Tö-et erbarme dieht, bönn ech straks dorchjehange böss te Huhs. On dr Schäng wor och bold do. Dr Motter mossden wir nu expleziere, woröm wir de Ste-inohlig nit mettjebreht hadden. Dr Schäng vertellden suh on ech suh. Nu moss die Motter entscheide, we die Tö-et hole soll. Minne Zwillingbruder Schäng wor als 12. Kenk en halv Stond no mech jebohre. Weil he nu e besske usselech wor, on uss Modder voll Maleste me em haht, wuht he e besske vertrokke. Su wor et fast selvsverständlech, dat ech kommandiert wuht. Der Schäng dorften te Huhs blieve, on ech moss mech op dr Wegg mahke. Be-i demm Theater haht ech nu de Profit, datt ech die Tö-et fast dr janze Wegg trahre moss.





Verein Lintorfer Heimatfreunde e.V.

Die Tö-et stong, wie ech ahnkohm, noch immer op örem Platz, obwohl ongertösche twe-i Stond verjange wohren. Wenn die Tö-et hat lache könne, dann hät se mech secher utjelacht, weil ech suh dickköppich wor, on te-letzt doch kle-in be-ijewe moss.

Hubert Köster

